

tempore Carolus Magnus, auctor Imperij Germanici, vernacula lingua *Regensburgum* nominari voluit: non (vt quidam autumnant) à pluuiâ vrbe vel arce, quasi *Hyaspolis*: sed vel à Reginoburgi veteris leuiter deflexo nomine: (vt & in Pontificio diplomate *Reginaspurch*) vel potiùs à *Rego* siue *Regno* amne, qui infrà urbem, quemadmodum Nabus suprâ urbem, Danubio miscetur, quasi *Regni pyrgum*. Tandem Latinum adepta cognomentum *Ratispona*, à ponendis ratibus (vt quibusdam placet) nauigij vicem præbentibus: quarum isthîc magna est copia atque frequentia: siue (vt alij volunt) *Rhetobonna* à *Rhatis* Germaniæ populis, quos vrbs hæc veluti limes à Noricis separat, Vrbs est amplissima atque ornatissima: & aggere, fossâ, vallo, mœnibus, albo quadratoque lapide constantibus, munitissima: sedes olim & regia Boiorum regum: quorum imperio excusso, demum sub Friderico I. Cæsare in libertatem se vindicauit: vectigalia tamen & portoria non asseruit: quæ adhuc partim possident principes Boiorum: partim ciues ex pacto obtinent. Tota ferè vrbs anno DCCXCI. incendio vastata: sed ab Arnolpho Cæsare postea multò splendidius exornata: qui multum ibi versatus est: sicut & in eâ vrbe domus & turres instar arcium egregiæ, priscae formæ monumenta conspiciuntur. Porro vrbs hæc semper fuit celebris nobilibus familijs Romanis: in quâ fidem Christianam primùm docuit Marcus, Pauli comes, & Lucius Cyrenæus, Simonis F. cuius Lucas meminit in Actis. Postea Carolus Magnus Imperator, impiâ fraude ac superstitione, quâ cæteræ gentes conflictantur, contaminatam religionem repurgauit: & verâ sanctâque Christi doctrinâ

G S

iterum